



Enpleguak gora egin du berriro Euskadin

BJA inkestak argitaratu berri dituen datuen arabera, Euskadik duela urtebete baino 19.600 landun gehiago izan zituen aurtengo hirugarren hiruhilekoan, 967.200 landun izatera iritsi arte, eta horrek %2,1eko urte arteko aldakuntza tasa ekarri zuen, Gizarte Segurantzako afiliazioak aldi berean izan zuenaren oso antzekoa (%1,8) delarik. Era berean, enplegu sorrera horri


lotuta, langabeziaren beherakada nabarmendu behar da, hamahiru urtean lehen aldiz langabezia tasa %8tik behera kokatu baitzen. Zehazkiago, langabezia tasa bigarren hiruhilekoko %8,5etik egungo %7,9ra jaitsi zen. Beraz, EAEko lan merkatuak portaera positiboa erakusten jarraitu du, ziurgabetasun ekonomikoaren testuingurua gorabehera.

LANDUNAK. GUZTIRA

Urte arteko aldakuntza tasa


3. HIRUHILEKOKO LANDUNAK

%2,1




LANDUNAK. EMAKUMEAK

Urte arteko aldakuntza tasa



LANDUNAK. GIZONAK

Urte arteko aldakuntza tasa




Aurreko hiruhilekoetan bezala, gizonen parte hartze handiagoa izan zuten enplegua berreskuratzeko prozesuan, %2,2ko hazkundearekin. Beste aldetik, emakumezko landunen kopuruak %1,9 egin zuen gora aurreko urteko hiruhileko berarekin alderatuta, 2021ean hiruhileko batzuetan bilakaera positiboagoa erakutsi eta gero.

Sektoreek sortutako enpleguaren xehetasuna aztertzean, datu deigarri bat izan zen lehen sektoreak izandako hazkunde bikaina (%16,5), ziur asko mahats bilketa irailera aurreratu izanak eragin handia izan baitzuen. Era berean, eraikuntzak eta zerbitzuek hazkunde tasa positiboak lortu zituzten.


LANDUNAK. INDUSTRIA

Urte arteko aldakuntza tasa




LANDUNAK. ERAIKUNTZA

Urte arteko aldakuntza tasa



LANDUNAK. ZERBITZUAK

Urte arteko aldakuntza tasa



Sektore horietan kontzentratu zen enpleguaren hazkundea, %7,7ko gehikuntzarekin eraikuntzaren kasuan eta %2,9koa, berriz, zerbitzuen kasuan. Aitzitik, industriaren sektorea ez da suspertu eta tasa negatiboetan jarraitzen du (-%2,7), aurreko urtearen erdialdean bilakaera positiboa izan ondoren.

Iturria: Eustat.